

欽定戶部漕運全書

欽定戶部漕運全書卷十七目錄

漕糧額徵

改折抵兌

改折抵兌

一起運漕糧例不改折間有被災地方准其暫

時折解

議單  
舊本

一災傷地方應徵漕糧及改折漕價當年不能

完納者酌量被災輕重或全行緩徵或緩一半

或分作兩年三年帶徵

議單  
舊本

一凡漕糧遇災其應徵米石如本地米有不足

准其秈米代抵或以粟米暫行改兌

議單  
舊本

一漕糧改折之年百姓有先期完納本色者准

抵下年漕米仍於下年應徵本色內照數扣徵

折色

順治八年

一漕折銀兩卽應起解如該地方官有意延緩

者應按分數查叅

順治八年

一順治八年題准河南省額解漕糧三十一萬

石除荒地免徵外祇實徵米十萬五千三百二

十六石零俱係徵納本色其折銀買兌原係民

間權宜之計應照舊起解本色

一凡題准改折將各該府州縣應行改折米數

及酌定價值刊示曉諭使民得沾實惠不遵者

指叅

順治九年

一舊例災傷改折地方於附近州縣湊補原額起運順治十年題定本地被災改折糧額不必復於隣邑撥補

一江西省贛寧兵米三萬五千六十四石原於

贛寧

今改寧都直隸州

二縣并南瑞臨吉四府南米支

給順治十三年議請將贛寧兩縣運北漕米畱給虔兵而以奉新靖安上高新昌峽江新喻等

縣解虔南米畱省以抵贛寧二縣漕糧其餘不  
敷兵米將廬陵等縣原派贛米改解折色每石  
折銀一兩零五分如米價太賤則聽解本色米  
價太貴或增價或給米聽撫鎮會議至正米外  
贛縣輕齋席木過江過湖淮安二升折銀各款  
除荒地應蠲外實徵銀四百五十三兩零寧都  
縣輕齋席木過江過湖淮安二升折銀各款除  
荒地應蠲外實徵銀一千三百五十九兩九錢  
一分零原係隨漕批解糧道之銀應照舊起解

糧道以作各縣抵漕之款至寧都耗米七百六十五石零贛縣耗米二百五十四石零係自贛解省脚耗原非兌軍之米今雖改兌免解省之遙仍有解贛水脚之用應仍作解費再查贛縣每正副米一石又加耗費米一斗二升三合零耗費銀九分八釐零寧都縣每正副米一石又加耗費米三升三合零耗費銀五分此遠運艱難耗外之耗不在糧差額編之內應請蠲除再贛寧二縣荒蕪田土招徠開墾逐年陞科之米

均應改抵戶部覆准寧都縣漕米不解本省仍應解虔但路近於省其脚耗應畱四分作爲該縣解費其六分作正支銷贛縣脚耗米石全數作正支銷至耗外耗費銀米查係全書附載仍應照數徵解餘均如議

一漕糧歲額四百萬石順治六年題定除舊例永折外不准改折惟高淳溧水二縣淹沒田畝糧多虛額於順治十五年題准永折以甦民困他處不得援以爲例



一漕糧內向有給軍辦運灰石米石後以停辦  
灰石米仍運通順治十七年題准永折銀兩徵  
解戶部聽工部按年支取備辦灰石應用

一漕糧遇有改折其隨漕輕齎席木贈截等項

銀兩例應照數徵解

順治十八年

一起運漕糧正米一石例有耗米并給軍行月  
贈耗等米如遇改折一例按照時價折徵  
順治十八年

一漕糧改折祇許照價徵收如仍借兌漕爲名

濫行科索者卽行參處

順治十八年

一漕白各有定額或遇地土不宜亦准通融改徵江南無爲等州縣向徵紅米於康熙十二年題請永徵白米康熙十八年宿遷等縣稻田衝決題准改徵粟米起運

一豫省漕糧非江浙等省可比豫省不通舟楫遠赴直隸大名府採買交兌給軍耗費數倍正項康熙三十二年題請照舊永折奉

旨河南漕糧停止民間採買者折徵銀兩該撫身往直

隸大名府所屬地方照額購買親驗起運如有遲慢將該撫從重治罪欽此

一凡漕糧遇災舊例各按被災分數輕則每石徵本色六斗折色四斗重則每石徵本色五斗折色五斗雍正年間江浙各府屬被災漕糧或全數折徵或折徵一半俱奉

恩旨改折

一漕糧折色例應按照時價徵收順治年間江南浙江江西山東等省每石徵銀一兩四五錢

及一兩二錢不等康熙九年至雍正元年以後  
江浙各府屬折漕價值每石徵銀一兩二錢及  
一兩不等惟山東額徵粟米於雍正年間改折  
均照豫省例每石均以八錢折解

一各省漕糧例徵本色惟豫省各府州縣其間  
多以水次寫遠運兌維艱額漕或折或徵隨時  
辦理不一順治年間照賦役全書每石編徵銀  
八錢官爲買米起運康熙十六年因粟米價賤  
題准每石於八錢內節省銀一錢五分解部餘

銀六錢五分辨通康熙五十八年議准河北附近水次之彰衛懷三府及開封府屬之陽武封邱原武等三縣令民間每石上納節省銀一錢五分其餘六錢五分卽徵本色起運共米九萬九千二百八十八石零其不近水次之歸德河南等府并汝州及開封府屬之祥符等各州縣額徵正耗漕倉等米共一十五萬二百一十二石零折徵銀兩交糧道採買起運雍正六年奏准豫省歸德等府漕糧每於河北三府州縣分

買部價不敷漸至病民累官請復舊例各徵各

漕將去水次稍遠之開封府屬祥符等縣及歸

德河南所屬州縣并陳州

時未改府猶隸開封府屬

許陝

今改

爲直隸州禹鄭

今隸開封

五州屬縣各照舊制徵收本色

內黃濬滑三縣昔在直隸省雖未辦漕均係臨

近運河已准部議應徵本色其開封府屬之儀

封縣

今改屬

歸德府屬之考城縣雖於運河稍遠

然係臨水次今不近水次之州縣既一體辦漕

則儀封考城兩縣應與內黃濬滑三縣概行增

辦本色至離水次最遠之靈寶閿鄉二縣額徵  
漕米過多難以辦運每縣酌減米二千石再南

陽汝寧二府屬并河南府所屬之嵩縣廬氏

此邑

今改隸

陝州永寧三縣及光汝二州并屬縣皆路遠

難運額徵漕米行糧連靈閿二縣酌減米石共  
一萬五千六十二石五斗零俱應免其辦解請  
分撥內黃等五縣協辦濬縣五千石滑縣五千  
石內黃縣三千五百石儀封縣九百石考城縣  
六百六十二石五斗零庶幾改遠就近輕而易

舉并於該五縣地丁銀內扣除完納漕米照部  
價每石八錢以六錢五分辦運節省一錢五分  
照例徵解糧道補項此節省耗羨亦卽隨解糧  
道以爲給發各屬運米脚費其南陽汝寧二府  
屬并河南府屬盧氏等三縣光汝二州并所屬  
以及靈關二縣所有每石折徵之六錢五分俱  
令解司以抵潞滑等五縣所除地丁之數卽自  
雍正六年爲始

一江蘇之通州漕糧就近支給狼山鎮兵米將



附近水次州縣南米改抵通州漕糧起運

雍正七年

一漕糧向不徵已雍正十年題准將東豫二省額徵粟米內改徵黑豆各五萬石運通雍正十一年又將東省按年改運二萬石其一應起卸俱照漕例辦理

一江蘇山陽寶應高郵甘泉江都鹽城阜寧等七州縣漕糧例徵本色乾隆二年因淮揚一帶冬季挑河築壩舟楫難通民間輸漕須用陸運未免竭蹶欽奉

上諭吹徵折色每石折銀一兩以紓民力欽此

一乾隆二年題准豫省額運粟米內再改徵黑豆二萬石東省粟米內再改徵黑豆四萬石一豫省臨漳縣向例每畝派徵米豆一升四合零較他邑獨多乾隆元年題准照依附近水次之湯陰縣每畝徵米豆八合九勺零減徵米豆折銀解部嗣因黑豆爲八旗餵馬所需不便缺少乾隆二年題准將黑豆統作米數折徵解部應需黑豆仍於應徵本色漕米內改徵運通

一江蘇揚通蘇常鎮太等六府州屬額徵麥石  
向係分款另徵給丁行月二糧遇有餘剩每石  
定價五錢易銀解部因各屬產麥稀少買交不  
便乾隆二年題准改徵米一石隨漕交納給丁  
餘剩每石易銀九錢造報

一州縣漕糧原額田地向有荒缺凡遇報墾陞  
科米石於漕糧正耗米內加入陞科兌運如無  
荒缺漕糧足額遇有陞科米石俱解司充餉倘  
有悞將足漕州縣陞科應行解司米石造入漕

項奏銷者題准改徵

乾隆二年

一江蘇嘉定寶山二縣額徵漕米例係永折乾隆二年因白糧裁減改徵漕米四千九百二十六石題准照數起運

一江蘇通州額漕雍正七年題准兌給狼山營兵米並無起運漕糧乾隆二年昭文縣薛家沙地劃歸通州管轄應徵漕米三百八石零因交旗丁兌運未便題准留充兵餉其應運漕米在於昭文縣漕米內改抵徵運

一江蘇海州贛榆二州縣漕糧向徵本色兌運  
乾隆二年題准海州正兌米每石折銀九錢五  
分一釐三毫零改兌米每石折銀八錢五分一  
釐三毫零贛榆縣正改兌米每石一例折銀七  
錢令民折價交官買兌

一江浙二省向徵白糧二十二萬石乾隆二年  
欽奉

上諭白糧改徵漕米十二萬石仍徵白糧十萬石欽此

一江西寧都縣

今改直隸州

距省稍遠兌運維艱原

額漕糧於順治三年題定畱抵兵米將奉新等縣兵米解省抵作漕糧乾隆三年題定續陞漕糧均於贛縣兵米內一例兌抵寧都漕米解抵贛縣兵糧其耗米令寧邑照例扣徵移解贛縣爲兌漕之費其餘運費令贛縣照派定漕糧款則徵收

一湖南平江縣漕糧向徵本色兌運乾隆三年以該邑相隔水次遙遠官民供辦艱難題准折徵每石價銀七錢七分三釐零分發衡湘二縣

各半買運嗣因衡湘二屬米價昂貴代買官多賠累乾隆四年題准仍照舊例運交本色

一江蘇淮揚徐州等屬漕糧例徵本色兌運海  
贛二州縣漕糧折徵購運乾隆四年因被水歉  
收欽奉

上諭各屬被水勘不成災之處本年應納漕糧并上年  
緩徵之漕糧俱准折色每石折銀一兩起解免其購  
運贛邑未被水之熟田應徵漕糧一併改徵折色欽  
此

一江蘇海州頻年遭水乾隆五年又間有蟲災  
欽奉

上諭應徵粟米一種照部定價值准交折色欽此

一江西省瀘溪縣漕糧向徵本色兌運因該縣  
山路崎嶇輓運維艱乾隆二年題准折徵價銀  
令該縣赴省買兌原定折價每石六錢加以徵  
收脚耗銀米計共七錢二分六釐乾隆五年因  
不敷採買題准每石折銀八錢嗣據該撫以瀘  
邑米價每石八錢尚屬不敷乾隆七年復經題



准於每年八月借動司庫存公銀兩給發該縣  
及時採買按照買價徵銀還項

一江蘇海鹽二州縣漕糧折徵價值以時價貴  
賤不同採買恐致掣肘乾隆七年題准照依江  
西瀘邑之例辦理

一江蘇嘉定寶山二縣應輸漕白米石向係折  
徵官爲採辦因每年十月定價派徵至十二月  
採買時價長落不一難免盈縮參差乾隆八年  
題准照依江西瀘邑之例辦理

一山東附近青州州縣粟米徵運青州支放兵糧其改徵黑豆州縣仍徵粟米兌運將扣存兵米價銀採買黑豆運通所需運青不敷腳價以及隨漕幫貼等費統於米折銀內動給

乾隆八年

一湖北安陸府屬荊門沔陽天門潛江四州縣漕糧向例運省水次交兌計程六七百里輓運維艱盤撥多貲其黃州府屬之黃岡等六州縣每年有解交荊倉兵糧米石計程千數百里輓運尤難乾隆十年題准彼此抵兌以省上下運

撥繁費約抵兌米二萬一千一百餘石共節省  
水脚銀一千七百餘兩解司充公至給丁截貼  
解荆耗米修倉等費仍令各該州縣於應徵水  
脚銀內自行給發

一額漕向不徵麥乾隆十一年遵

旨題准將豫省祥符等四十州縣額徵粟米內改徵小  
麥一萬石隨漕運通倉場轉運內務府應用至  
運赴水次脚價仍照漕例於節省銀內動給  
一安徽省寧國旌德太平英山四縣漕糧乾隆

十四年奏准照海鹽二州縣之例辦理每年開徵時確訪時價先動司庫匣費銀兩及時購買兌運按照買價徵銀還項

一豫省永城等十九州縣有額徵粟米二萬九千餘石每石八錢折徵採買兌運嗣因購買維艱乾隆五年題准將永城等州縣採辦米石於祥符等州縣徵解以祥符等州縣應徵之豆令永城等州縣採買乾隆九年因改徵黑豆加增題准將永城等州縣購辦之豆不必於祥符等

州縣改徵粟米卽令照數徵豆起運嗣因豆價  
昂貴艱於採買乾隆十六年奏准永城等州縣  
應買之豆改派安陽等二十四縣徵運於地丁  
銀內減除卽將永城等州縣折徵銀兩抵補

一湖北通山當陽二縣漕糧向因僻處山陬不  
通舟楫每正米一石折徵銀一兩加耗米一斗  
折徵銀一錢水脚銀一錢五分官爲採買起運  
嗣因米價昂貴不敷採辦乾隆十六年題准照  
江西瀘邑之例每年開徵時確訪時價先動道

庫隨漕銀兩及時採買兌運按照買價徵銀還  
項嗣因米價愈昂里民完納維艱乾隆十七年  
題准將該二縣額漕分灑各幫帶運免徵耗米  
水脚以紓民力

一額漕向不徵豆雍正十年十一年并乾隆二  
年九年先後題准於東省額徵粟米內共改徵  
黑豆十一萬石豫省額徵粟米內共改徵黑豆  
九萬九千三百五十六石六斗零運供應用一  
應起卸俱照漕例遵行乾隆十六年題准於東

省粟米內再改徵黑豆三萬石豫省粟米內再  
改徵黑豆二萬石嗣因東豫二省運通粟米不  
敷支放兵餉京倉黑豆充盈乾隆十八年奏准  
豫省改徵豆內仍改徵粟米五萬九千六百九  
十八石零東省改徵豆內仍改徵粟米七萬石  
一山東利津縣額徵漕糧潤耗米石向係改撥  
運青以作滿營兵糧其應運米石於平原縣改  
徵黑豆內仍徵粟米運通其平原縣不敷運通  
豆石在臨邑等縣漕耗豆內撥抵仍將平原縣

所領漕耗豆價銀兩抵還臨邑等縣以爲辦漕等項之費乾隆十八等年利津縣潮淹沙壓地畝豁免漕糧濶耗等米四十五石二斗九升九合一勺在於附近青州之章邱縣濶耗米內照數運青該縣應需濶耗米石在於德州漕耗米內就近撥抵交軍其平原縣應領漕項豆價銀兩以及利津縣應扣運脚津貼等項銀兩卽令德州具領以作辦漕之費

一豫省商邱永城夏邑等三縣有堤壓河佔等



地糧無所出乾隆十九年題准豁免本色漕米  
價銀八錢九分二釐改折漕米價銀八兩七錢  
五分九釐零

一江蘇所屬州縣漕糧例徵本色乾隆二十年  
因雨水過多田禾被淹秋後又有蟲災欽奉

上諭將災地應徵漕糧改徵折色以紓民力欽此

一江蘇京口駐防兵糧例係截畱鎮屬漕糧全  
年支給本色乾隆二十二年奏准減支四個月  
改撥江寧駐防兵糧之用其京口所減漕米仍

行起運江寧所需米石卽就近在上元江寧二縣起運漕糧內照數改支

一湖南衡陽縣原徵漕糧正耗等項米二萬一千六百九十三石九斗八升閒丁銀一十兩二錢乾隆二十二年撥歸清泉縣漕糧正耗等項米一萬一百七十二石五斗六升閒丁銀五兩五錢六分

一浙江孝豐縣額徵月糧內於順治十二年改徵本色米一千七百五十八石八斗九升零後

仍請改折詳定每石折銀一兩二錢而奏銷冊  
內仍以本色造報乾隆二十五年奏准更正又  
富陽新城二縣俱係地居偏僻零星小戶輸納  
本色均有未便奏請同於潛昌化二縣之小戶  
一體民折官辦又臨安於潛昌化三縣每年額  
徵漕糧每石折銀五錢該縣辦買交兌自康熙  
年間因折價不敷已令糧戶自行買米輸納惟  
於潛昌化二縣零星小戶仍於每年十月定價  
詳徵官爲辦兌奏銷冊內仍開收銀買米字樣

一江蘇清河桃源沭陽宿遷四縣地不產米漕糧買運維艱於乾隆二十六年題准官爲採辦民納折價於秋成時確訪產地實價詳明覈定赴司領銀採買定限十月內買足十一月內兌運取具該四縣并產米州縣印結該管道府州縣實加結詳報應完銀數出示徵收於次年二月全完解司不許浮冒價平之年據實開報稍貴之歲所需價腳總不得過二兩之數如有浮開多徵情弊卽將該縣并產米出結之州縣及

朦朧加結之上司等分別查叅辦理

一乾隆二十六年豫省未被災州縣額徵黑豆改徵粟米以資糴借又欽奉

諭旨豫省本年應解內務府麥一萬石暫停運解所有內務府明年應需麥石暫令自行採買應用欽此

一江蘇山陽縣額運漕糧於乾隆二十七年劃歸清河縣本色漕米七百七石一斗六升九合七勺

一乾隆二十四年戶部奏准豫東二省應徵粟

米一十二萬餘石改徵黑豆於庚辰年運通交  
納又乾隆二十九年覈計倉存黑豆過多將該  
二省運通黑豆仍徵粟米於乾隆三十年爲始  
運通交納

欽定戶部漕運全書卷八目錄

漕糧額徵

改折抵兌

變通折徵

改折抵兌

一江南駐防官員俸米例係分編長洲等州縣  
乾隆二十九年奏准在駐防同城之上元江寧  
二縣起運漕五米內改撥支放其長洲等州縣  
原編俸米改徵漕五歸併起運

一山東河南二省運通粟米內每年撥出米五  
萬七千石改運薊州備用乾隆三十年奏准停  
其運薊改徵折色是年欽奉

上諭此項米石毋庸改折仍照數收兌本色存貯水次



地方作爲該省常平之用欽此

一蘇州織造衙門局匠口糧米石例係在吳江等州縣編徵乾隆三十年奏准在於長元吳三縣額徵漕五米內均勻改編解交支放其吳江等州縣原編局米儘數歸漕分別起運

一山東省改折薊糧一半米二萬八千五百石  
欽奉

上諭仍徵本色畱貯備用自應於厯城等六十四州縣漕糧內按石均攤其停運薊糧應裁船隻按各

該幫應兌州縣糧數照例裁汰

乾隆三十一年

一東省薊糧改折裁汰丁船潤耗本色別無動

用請一體照貯備用其隨正徵收一五漕耗除

遵截畱例按每石動給州縣修倉鋪墊紙筆飯

食等米三升五合外下剩每石一斗一升五合

亦請一併畱貯備用

乾隆三十一年

一山東省薊糧改折裁船行月米石照倉頂之

例按數附搭運通

乾隆三十一年

一東省改折薊糧仍徵本色畱貯備用米石未

用輕齋本折席片脚價盤費並裁船歲修行月  
折色津租以及應裁薊弁俸工養廉等項銀兩  
催解道庫委官彙解直隸藩庫添補薊糧收支  
折色之用

乾隆三十一年

一山東改折薊糧案內閏月本折並非年年徵  
解之項請照舊遇閏之年照數徵收辦理

乾隆三十

一年

一河南省改派一半薊糧二萬八千五百石再  
加潤耗行月共米三萬二百六十一石六斗八

升零俱已徵完不及改辦折色請照數存貯變價乾隆三十年奉

上諭存貯水次地方倉內作爲常平協濟隣省之用毋庸變價嗣後仍徵本色欽此隨奏准分派汲縣新鄉濬縣湯陰內黃安陽臨漳淇縣滑縣輝縣獲嘉修武武陟等縣收貯惟林縣武安涉縣河內濟源孟縣溫縣等邑離水次二三百里不等應分撥湯陰汲縣新鄉濬縣等處通融收貯糶借易穀所有應解薊糧折價照每石原價連節省銀

八錢之數在於解部漕項銀內動撥同裁減各費解交直隸藩庫支放其原價八錢連裁減各項錢糧僅祇一兩二錢有零不敷折給請於裁減薊州轉運腳價耗費銀內通盤籌補以足原奏一兩八錢之數

一蘇州織造衙門局匠口糧一萬七百九十一石一斗三升二合遇閏加增米八百九十八石八斗三升五合自乾隆三十年爲始於長洲元和吳縣漕五米內改編支給其吳江震澤常熟

昭文崑山新陽華亭奉賢婁縣金山上海南匯  
青浦太倉鎮海原編局米改爲漕糧正耗五米  
起運

一乾隆三十四年倉場具奏乾隆十八年戶部  
議覆倉場侍郎鶴年等以京倉黑豆充盈將豫  
東二省應運黑豆內酌半改徵粟米十二萬餘  
石嗣於乾隆二十四年戶部議以八旗增拴馬  
匹需豆較多仍將豫東二省改徵之粟米照舊  
徵收黑豆迨至乾隆二十九年京倉黑豆存貯

至六十四萬餘石恐致陳積又經戶部奏准將  
豫東二省應徵豆內復徵粟米十二萬九千餘  
石各在案是歷來隨時酌量粟米黑豆之多寡  
改徵辦理今京倉存貯黑豆祇存八萬餘石現  
存粟米及明歲運通粟米共計一百餘萬石將  
豫東二省改徵粟米十二萬餘石照例仍徵黑  
豆又於乾隆三十七年戶部奏准將豫東二省  
三十五年續改豆十二萬餘石自三十八年爲  
始仍徵粟米起運

一江蘇阜寧縣產米甚少額徵漕南等米麥九千五百五十石零請照清河等縣之例一體民

折官辦採買腳價等項悉照成例辦理

乾隆三十六年

一山東省清平縣原改豆二千五百四十五石

仍行徵豆續改豆三千石仍令徵米其缺額豆

石於濟陽縣應徵粟米內照數改豆以歸豆額

乾隆三

十七年

一江蘇海州贛榆清河桃源宿遷沐陽阜寧七

州縣民折官辦漕糧無論時價低昂概照二兩



定價於十月開徵次年二月掃數全完如買價

較所徵之數覈有盈餘留爲歉歲調劑撥補

乾隆

三十  
七年

一湖北通山當陽二縣應採買漕糧一千七百

六十二石零改以江夏嘉魚等七縣每年餘賸

漕耗米一千七百八十九石零作抵其通當二

縣應徵折價酌定每石徵銀一兩四錢五分永

爲定額共計每年改徵銀二千五百五十五兩

零按限徵解糧儲道庫內有歲解漕廉各項銀

一百十六兩零卽於徵解銀內由道支給尙實  
存銀二千四百三十八兩零移司另款存貯查  
明派撥漕耗七縣糧價平減分發買穀附入常  
平倉額盈餘存貯司庫

乾隆四十一年

一湖北通城縣溪河百有餘里額徵漕糧正耗  
等米三千六百四十二石遠雇小船運送工費  
人勞奏准將附近水次之武昌等州縣餘剩漕  
耗米石撥出兌運又該縣南糧項下無閭之年  
歸漕米八百四十餘石有閭之年歸漕米三百

九十餘石在於漢陽等縣餘剩南耗米內按數抵兌運通其通城縣漕糧照通山等縣之例每石一兩四錢五折徵報解至該縣應運漕糧原徵水脚項下應給養廉等項雜費照舊支銷餘剩水脚並漕糧正耗折徵銀兩移解藩庫報

部

乾隆四十六年

一湖北武昌縣額徵南米六千八百十四石零舊解荊州供支滿營兵糧嗣因運道較遠奏准將路近荊州之沔陽州漕糧四千二百石并湖

南巴陵等縣漕米二千六百十四石零剗交荆  
倉武昌縣南米卽令順交南北各漕船就便抵  
兌今武昌縣秋禾被災例蠲一分南米僅數百  
石尙有應徵六千餘石請以二千六百十四石  
零先交湖南漕船其湖南巴陵等縣漕米亦令  
照額解荆毋庸另議至沔陽州應解荊州之抵  
南漕米四千二百石奏准照武昌縣災免之數  
扣畱先給北省漕船兌運武昌縣蠲免之米另  
以折色補給荊州滿營兵食又武昌縣耗米內

應代通城縣抵交湖南漕船米二百七十二石  
不敷撥抵應請將黃岡縣撥剩南糧耗米十四  
石零代通城縣先交湖南漕船不敷之數仍於

武昌縣找兌

乾隆四十六年

一戶部具奏乾隆四十四四十六等年輪免豫  
東二省並奉天省米豆之年存倉豆石不敷支  
放請將豫東二省三十七年續改十二萬餘石  
之粟米自四十六年爲始仍改徵黑豆運京嗣  
因倉存豆石充裕恐致霉變議將續改豆十二

萬石奏准自五十年爲始仍徵粟米起運

乾隆四十年

五十四

九等年

一江蘇省清河阜寧桃源宿遷海州沐陽贛榆

七州縣民折官辦漕糧因近年米價增昂每石

原定價銀二兩不敷採買奏准照嘉定寶山二

縣之例按產米時價於十月內先於司庫領銀

採辦兌運漕米照上米兵米行月照中米購辦

連例銷牙用運腳一併於十一月內按戶攤徵

限次年二月以前徵完解司歸款

乾隆五十年

一山東淄川新城二縣漕米派撥青州駐防兵糧其不敷米於章邱齊東濟陽等縣薊米內撥補至淄新二縣漕米原額以平原陵縣漕豆改抵平陵二縣豆額以高唐堂邑臨清耗豆及平原耗米改豆抵補

乾隆五十年

一豫省乾隆五十二年分額徵正耗粟米十二萬五百九十二石一斗五升零奏准按十分之三改徵麥三萬六千一百七十八石八斗四升零

一東省額徵粟米奉文按十分之一改徵麥二  
萬餘石因各屬麥收有限奏明毋庸改徵乾隆  
三  
年

一河南考城縣歸併睢州地畝因新灘減則實  
餘熟地一十三頃三十六畝零應辦漕米仍令  
照數徵收在於地丁銀內扣出辦運每石徵銀  
八錢官爲採辦乾隆五  
十四年

一湖北省崇陽通城二縣應徵漕米民間收穫  
在六七月間卽責令上緊徵輸勢難於水盛之



前趕運到省請仿照從前抵兌之案將二縣漕糧五千九百八十四石零撥作荊州南米以下游之蘄州等州縣解荊南米就近兌交旗船劃抵崇陽通城二縣應運漕額可免輓運之勞而丁船受兌開行亦不致稽遲守候

乾隆五十四年

一豫東二省黑豆改徵粟米十二萬石自乾隆五十五年爲始仍徵黑豆起運計豫省應徵豆五萬九千六百九十八石三斗七升二合九勺內清川等縣原徵粟米因改徵麥石致有不敷

於新鄉等縣粟米內改徵

乾隆五十四等年

一江南淮安頭二兩幫應納屯糧例係各丁應  
支月糧內扣抵今該衛坐落安東縣沖汕坑缺  
屯田自嘉慶元年爲始減去銀一千一十二兩  
一錢七釐米麥豆四百六十石八斗六合八勺  
實編徵抵兌米麥豆五百六十石二斗九升八  
合五勺按船均派每船應完屯糧五石五斗四  
升七合四勺在於歲支月糧內扣抵不徵不給  
如遇蠲緩之年在於劃抵米內補給濟運又該

兩幫例與泗州前後兩幫輪兌蘇常淮三屬漕糧至輪免常淮二屬漕糧之年向有單外餘船並無應支行月糧石可抵輪減旗丁應抵屯糧在於單派丁內攤派抵兌單外減丁自行算還其尾零糧石由該衛捐銀批解

嘉慶五年

一嘉慶八年欽奉

上諭山東東阿等十三州縣本年豆禾布糧較遲所有額徵帶徵豆共二萬三千一百六十五石零著加恩准其改徵粟米又泰安等十六縣帶徵七年豆共二

萬九千四百九十五石零亦著加恩准其一體改米  
抵徵俟下年仍照舊額徵豆再本年應買一半之截  
漕米石應買豆一萬七千餘石並著先以粟米買補  
來歲再多買豆石以符原額等因欽此

一江蘇泰興縣漕徵等米奏准改爲民折官辦  
飭令地方官於秋成後確訪產米最多之州縣  
領價採買用過價值按數徵收原兌該縣漕糧  
之揚州二幫移泊甘泉縣邵伯鎮地方受兌  
嘉慶九年

一湖北通山當陽二縣漕糧向係徵收折色解  
道移司買穀其應運通本色米石歷係派撥江  
夏嘉魚漢陽黃陂孝感雲夢應城等七縣餘漕  
耗米代兌嘉慶十年通山縣帶徵元二七等年  
漕米因孝感等縣元二七等年漕糧耗米已全  
豁半豁不敷代兌卽於下游各屬黃岡武昌蘄  
水蘄州大冶廣濟興國黃梅等州縣帶徵餘贖  
漕耗項下分別酌撥以足代兌通山縣之數交  
幫漕帶例不支給截貼銀米所需代兌挑腳等

項飭令先行墊給俟通山縣完解帶徵漕米折銀動支給還至動撥前項米石於帶徵漕糧腳耗冊內報銷毋庸另籌還款

一嘉慶十一年河南巡撫咨該省白麥一項遇有災緩在於不被災之處應徵粟米內改徵起運其緩徵白麥俟起徵之時徵收粟米補額嘉慶四年睢州緩徵白麥均各照此辦理今嘉慶十年緩徵白麥自應仿照成案在於粟米內照數改徵其緩徵白麥亦照成案俟起徵之日徵

收粟米等因經戶部覆准行令造入漕項奏銷  
案內題報查覈

一湖北崇陽通城二縣漕米前因溪河淺灘輓  
運維艱不能趕赴冬兌冬開之限於乾隆五十  
四年奏准改解荆倉以供兵食將下游之興國  
等州縣應解京倉南米抵兌北漕嘉慶十二年  
被旱歉收漕糧分年帶徵曾經咨部毋庸抵兌  
俟屆限徵收崇通二縣自行兌交旗船帶運嗣  
又奏准該二縣地處山僻溪河一線深冬水涸

軌道維艱將帶徵漕米援照正漕抵兌成案仍  
於下游興國州應解南糧互相抵兌以免遲誤  
一湖北通山當陽二縣漕糧向係徵收折色解  
道移司買穀另派江夏嘉魚漢陽黃陂孝感雲  
夢應城等七縣餘漕耗米代兌運通嘉慶十二  
年江夏等七縣漕糧耗米已隨正漕緩徵無米  
代兌俟帶徵耗米隨同正漕分年代兌至通當  
二縣所徵漕折銀兩仍令先行解道移司買穀  
以裕倉儲



一湖北隨漕錢糧奉文緩徵不敷支用由該撫奏明動項濟運俟帶徵銀糧歸補借項如有急公先完銀兩卽行提還借款及報部撥用

嘉慶十二年

一江南壽春鎮標中左右暨亳州等四營駐劄鳳潁等屬地方應需本色兵米向於無爲等屬應解餘米內撥解因水陸程途均多遙遠每有稽遲詒誤及州縣賠累延解於嘉慶十二年奏准將鳳潁等屬漕米就近留作兵糧無爲等州

縣兵米還作漕米所有壽亳等營應需本色米  
五千九百五十九石八斗內除原支壽州等州  
縣米麥五百五十二石六斗三升仍就近坐支  
毋庸改漕外尙應支米五千四百七石一斗七  
升撥留壽州等州縣漕米皆令坐支各該屬本  
汛兵糧將無爲和州等州縣原編兵米五千四  
百七石一斗七升還作漕米搭運通倉以符漕  
額

一江南徐州鎮中營城守二營并蕭營歲需夏

秋二季本色兵米連閏率算每歲共約估米二千九百五十七石零向例前赴淮安等處支領由黃河冒險運回往返需時於嘉慶十一年奏准改撥銅山蕭縣二縣粟米正贈並撥各歸就近支給所撥粟米以江寧府屬編解行月撫米一千二百二十石零改作漕糧起運尙不敷米一千七百三十六石零於句容等縣南撫鳳等米內動撥共符應還正贈之欸又各該營續添兵丁應需米四百六十五石於嘉慶十三年題

明一併動撥銅蕭二縣粟米在於長洲縣南米  
內改編歸漕起運

一江南大河衛應納屯糧例係在於本衛月糧  
內抵兌嘉慶十二十三兩年秋禾被災減運丁  
船並無月糧可抵應派蠲緩糧米咨准於衛倉  
我徵項下扣除蠲緩其現運免雇等船應蠲緩  
糧米在於江安糧道割抵米內照數派支

一江南銅蕭二縣漕糧改抵兵糧以上元等縣  
南鳳等米改漕起運因江興等屬均在淮南程

途較遠若照徐屬之例升兌升交不敷賠累准其照各本縣加耗米數卽於改漕米內割出正兌加四改兌加三耗米以符舊制

嘉慶十五年

一嘉慶十六年山東巡撫同興奏山東漕糧內有應行改徵麥石十分之一向有定款本年自春至夏雨澤愆期麥收歉薄若仍照常年派徵民間現存之麥俱屬顆粒細小不堪交兌勢須另買完納於民情實有未便請照乾隆五十九年之案准將本年應徵麥石暫行徵收粟米以

免賣米易麥之艱俟來歲麥收豐稔仍照舊徵  
麥運兌以符定額等因奉

硃批照所請行戶部知道欽此

一湖北省崇陽通城荊門沔陽江陵公安石首  
潛江天門江陵監利等州縣漕米均應解赴漢  
次漕船交兌該州縣地處上游距兌漕水次較  
遠先經小河復歷大江挽運不易恐誤兌期經  
湖北巡撫咨准與下游武昌興國蘄水蘄州廣  
濟羅田等州縣解京南米互相抵兌各就附近

水次解交餘贖南糧仍令逕解京倉節省水腳  
銀兩報解充公其給旗截貼鈔米及南糧鼠耗  
狼撤修倉舖墊駝腳背夫並挑運腳價分別造

報覈銷

嘉慶十八年奏准

一嘉慶十八年奏准山東省歷城等二十五州  
縣麥收歉薄應徵麥石暫行改徵粟米

一安徽寧國旌德太平英山四縣漕糧每年於  
開徵時司道確訪時價先動公項銀兩給發購  
買嘉慶十八年戶部行令將該四縣民折官辦

漕價查照桃源等州縣採買漕價按年造冊報銷

一江南省海州揚州二營添兵五百名該支本色米九百石於海州江都甘泉等州縣漕糧正耗贈米內就近支放以丹陽山陽江寧懷寧桐城潛山等縣南米及和州屯米內改漕起運以符漕糧內正耗贈米之數解贍席贈等銀解道

報部

嘉慶十九年

一嘉慶十九年奏准豫省黑豆收穫短少所有



額徵黑豆一十五萬五千九百五十石零暫行  
改徵粟米一半其餘一半照常徵收

一江南省徐州鎮標營新添兵丁歲支兵糧於  
銅山蕭縣二縣起運粟米內增編支給從嘉慶  
二十四年爲始在於婁縣南米內按數劃出歸  
入該縣漕糧分別起運席贈銀米由蘇道按糧  
支給給丁曬颺耗米照例折價收買至銅蕭二  
縣原編席贈等銀裁存報撥負重一款併席支  
給又漕費錢文易銀報撥其婁縣原編南米項

下隨收漕費錢文飭令解道充公

嘉慶二十五年

一海場二營添兵案內海州江都甘泉三屬起  
運漕糧內劃出米九百石就近支放兵糧以丹  
陽山陽江寧和州懷寧桐城潛山七州縣南屯  
米石照數改漕起運仍照海州及江甘二縣漕  
米原徵正兌加三改兌加二五令江興等幫搭  
運支給負重曉颺銀米並於道庫按正改兌正  
米每石給席片銀八毫五絲又正改兌正耗除  
去收買曬颺耗米按兌運正耗每石給贈銀五

分其江寧等縣每石兌費錢四十八文和州等  
州縣正贈每石耗米一斗及耗米項下每石給  
耗五升均向不入冊報銷不准支給

道光元年等年

一安徽省寧國旌德太平三縣民折官辦漕糧  
於道光四年爲始每年就附近產米地方按照  
時價於司庫正項內請領銀兩漕米照上米行  
月照中米購辦兌運其運腳確計道里支給將  
米價及耗費運腳等項一並按米計算覈明每  
石應輸若干先行給銀採買以十一月爲限出

示曉諭按數起徵儻有浮收立即參辦次年二月徵完還款如逾限未解即將經徵接徵各職名分數隨同丁地錢糧奏銷時另冊開參按照未完分數議處

一道光六年山東省歷城等二十七州縣麥收歉薄不堪兌運奏准暫行改徵粟米嗣後照舊徵麥兌運

一道光六年豫省惟南汝光等屬麥收豐稔其餘有漕之五十三州縣因夏間被旱二麥顆粒

未能飽綻民間存貯無多經豫撫奏准除應徵  
白麥照舊徵收外所有本年應徵並帶徵各年  
漕麥暫行改徵粟米嗣後照常徵收麥石不得  
援此爲例

一每歲運通粟米不敷支放而豆石積有盈餘  
道光六年河南巡撫奏准將本年豫漕項下應  
徵正改兌正耗豆一十一萬二千二百九十餘  
石內改徵粟米十分之二道光七年據該撫奏  
准仍照上年改徵粟米十分之二運通交兌

一道光七年山東巡撫奏准各屬額徵黑豆一十三萬九千餘石酌以二成改徵粟米道光八年復經該撫奏准仍照上年按二成改徵粟米起運

一咸豐七年十月十一日欽奉

上諭英桂奏漕糧應徵粟米請酌量改徵小麥一摺河南漕糧應徵粟米本年間有被旱受傷之處若令照常徵收未能一律圓淨准其酌量改徵小麥數成仍照定額兌運以昭覈實該部知道欽此

一安徽新設龍山營馬步守兵八百名應支兵  
米一千四百四十石兩江總督等奏請在附近  
之渦陽縣漕糧內撥給卽以阜甯沐陽宿遷等  
縣永折漕糧項下節省月糧如數解還經戶部  
議准令江安糧道將劃撥節省月糧按年及早  
解皖年清年款隨時報部

同治  
十年

變通折徵

自咸豐初年運道梗阻軍務繁興東南各省不能起運本色始議改徵折色卽以折徵銀兩接濟外省兵餉並分解部庫支放俸甲折銀謹案折色徵收係一時權宜之計而事逾廿年辦經數省相沿日久案牘滋多今添立變通折徵目凡江廣等省折徵各案編纂成帙以備參稽其民完折色官爲辦運者仍纂入徵收漕糧目內籌國儲者尙以起運本色爲根本至計焉



## 變通折徵

一江廣等省應徵咸豐三年漕糧因河道梗阻經戶部議令折價解京抵放嗣據江西湖南湖北安徽各巡撫奏請遵照部議折解辦理但計正耗米一石四斗不計貼運由官折解其價以例載京倉折給之數爲準稜米一石折銀一兩三錢稜米一石折銀一兩四錢以貼運耗米及州縣津貼運丁幫費辦解自屬有盈無絀所有民間完納一切悉仍其舊經徵官員不許以折

銀之議向民間更改舊章浮收勒折如有驚擾  
百姓致滋事端將州縣叅究該管上司捏情掩  
飾卽按例治罪

一俸甲等米如不敷支放臨時奏請按成折給  
以南漕折解之款支放無須另籌

一漕糧折銀解部所需解費卽在貼運幫費之  
漕項內覈實支給照地丁例作正開銷仍應撙  
節動用所餘銀兩隨時報部另案覈辦

一應解漕折銀數及委員起程日期先行報部

查覈其折解銀兩分作兩起頭起限於來年正月二起限於三月全數解部倘不能依限解部卽行據實叅辦

以上咸豐三年嗣後各該省截至同治十三年止均援照折徵

成案辦理

一江淮等屬應徵咸豐三年清糧據兩江總督奏稱請照江廣折解之議辦理經戶部奏准與安徽省一律易米解銀由官糶變稜米每石折銀一兩三錢稜米每石一兩四錢粟米每石一兩二錢所需解費卽以贈米消費貼補不准另

請開銷其折解銀兩按照奏定章程分作兩起  
頭起限於來年正月二起限於三月全數解部  
儻不能依限解部卽行據實叅辦應徵漕項等  
款銀米除貼併辦解外其餘節省彙數解京其  
向係解道轉給者除有船在次准支減半月糧  
外其餘一併解部不得照舊存道庫至海州贛  
榆沐陽桃源清河阜甯宿遷等七州縣漕糧仍  
令該督等查照舊定每石二兩四錢之例一併

徵收報解

咸豐  
四年

一咸豐四年欽奉

上諭怡良等奏請將新漕折價完數過絀之知縣分別革職摘頂一摺江蘇署江陰縣知縣翟鏐觀署金壇縣知縣郭春齡署華亭縣知縣姚曾翼代理武進縣知縣吳謙吉各經徵咸豐三年分漕糧折價銀兩竟不及四分五分似此疲玩情誤必當從嚴懲辦以重課賦翟鏐觀郭春齡著先行革職留任並摘去頂戴姚曾翼吳謙吉著摘去頂戴均勒限一箇月一律徵解全完儻限滿完不足數或查有虧那情弊卽著從

嚴叅辦該部知道欽此

一湖北巡撫以該省有漕州縣額徵漕南米數  
向來漕南合徵分解本折兼收今徵收本色積  
弊甚深與其令州縣照舊徵收再行變價於民  
無益不若一律改收折色稽查較易並查明各  
州縣歷屆浮收實數分別覈減明定折價每石  
自四千文起至六千五百文止其水腳耗米一  
併在內奏經軍機大臣會同戶部議准嚴飭各  
屬遵照改定錢數徵收不准於此外多收分文

以示限制所有由單串票樣米差費等類概行革除

一湖北州縣徵收漕糧向係兌交幫丁運京近年漕糧折價解交糧道庫報撥查州縣兌交漕糧各幫丁向有津貼名爲兌費現值暫停河運此款若概行刪除將來復行兌運幫丁無此津貼不敷轉運應飭各屬隨同正耗等款批解道庫共計提銀六萬八千餘兩暫准提充軍餉之用

一湖北旗綠各營兵米係由各州縣供支本折兼解現在漕糧改定折價該二營亦應盡支折色所有各州縣應解旗綠各營米折銀兩請改解道庫由糧道具報巡撫委員咨解荊州將軍衙門支放綠營卽由各營赴道具領至旗營兵米例定二百六十日支本色一百日支折色現因旗營積欠未清生計艱窘於二百六十日原支本色今改折色者准於例價七錢外每石酌加銀二錢按九錢覈給其向支折色及綠營兵



米折銀均仍照例定七錢之數折支

一旗綠各營兵米因災緩缺額不敷向由藩庫籌撥各州縣應徵南糧折價每石以一兩五錢批解共應解南糧正耗銀二十萬六千五百餘兩每年約支滿綠各營兵米銀十一二萬餘兩除支發外尙餘銀八九萬兩准其留爲藩庫撥補不敷兵食之用

一漕南二米改徵折色除支銷漕書飯食外概從節省所有漕南節省銀四萬餘兩解歸道庫

報撥又道庫額徵隨漕淺船軍三安家幫津等款因漕船停運毋庸儘數支銷計可節存銀十二萬兩均准其暫濟糧臺兵餉之用

一州縣徵收漕南冗費甚多自糧道以至丞倅等官俱有規費州縣浮收大半於此藉口賠累今嚴禁浮收所有向來糧道及各道府丞倅尉司道府上下衙門一切陋規雜費概行裁革計合荆倉綠營各浮費共刪除銀約二十餘萬兩自酌定章程後如有不遵新章仍前浮勒者

該撫隨時嚴參

一各州縣徵收漕南米石遵照新章一律完解  
以充軍餉如有帶欠卽行嚴參

以上咸豐八年

一山東開內五幫漕糧變價查照咸豐三四兩  
年成案無分粟米麥豆每石折銀一兩四錢應  
將前項折銀併同節省漕項銀米等款全數解  
部至輕齎銀兩向係隨漕徵收解交通濟庫辦  
運現在漕糧既經分別辦理輕齎一項應令按

照起運糧數解通

咸豐十一年

一河南省巡撫奏請將河南省應徵漕糧折解一  
摺同治元年欽奉

上諭鄭元善奏有漕州縣多被匪擾戶鮮蓋藏請將應  
徵漕糧援案折解等語自係實在情形所有該省本  
年應運漕糧准其折銀完解嗣後不得援以爲例其  
水程盤撥等項銀兩並著一體報解不得短少仍勒  
限於四月內全數解交部庫以便就近採買毋稍延  
誤欽此

一河南省漕糧前於咸豐四年該撫奏稱逆匪

竄逸河間一帶切近運河將應運三年漕糧無分粟米麥豆按每石一兩二錢五分析銀報解聽候採買所有例定每石節省銀一錢五分並輕齎等款仍循例報解嗣於同治元年署河南巡撫張之萬奏河南州縣徵漕均非本色大抵折收其價約每石折制錢六千有零以現時銀價計之將及四兩而折漕例價本輕歷年辦理直爲官吏利藪請照湖北辦理之意變通今年仍行折漕令各州縣均以三兩三錢解交司庫

以二兩一石折爲

天庾正供批解部庫以一兩作爲該省兵餉所餘三錢留爲通省辦公之用經戶部議准於同治元年十一月十一日具奏奉

上諭前據張之萬奏請變通河南折漕以裕倉儲當經交戶部速議具奏茲據該部奏稱張之萬所陳折漕銀數與河南歷年辦理成案加增一倍有餘於倉儲軍務及本省辦公經費均有裨益應照所請辦理惟本年漕折據稱可解部銀三十五六萬兩現在庫款

支絀異常立等開放請飭督率所屬趕緊徵解務於  
年內揣數解部等語張之萬著卽照戶部所議督率  
各屬趕緊徵解務於年內揣數解清毋在各州縣藉  
詞延宕欽此

一江西省徵收丁漕據江西護撫孫長紱奏稱  
一律減定折收制錢由官易銀解兌每地丁一  
兩連加一耗羨折收足錢二千四百文每漕米  
一石計正改兌正米及加四副米兩項內除貼補各州縣一三副米外一律折收易銀解  
部折收足錢三千文萬安樂平二縣每石加錢

二百文經戶部奏准照辦

一江西省減定丁漕折收制錢除地丁每兩完

解正耗銀一兩一錢漕米

無論正米副米

每石完解部

價銀一兩三錢外其本省有實在需用之捐款

公費每地丁一兩另提銀一錢六分每漕米一

石另提銀二錢在於減定丁漕收數內供支經

戶部奏准在於解部款外餘贖丁漕數內供支

自此次釐定章程後該撫務常督飭所屬將一

應陋規惡習嚴予革除按則徵收報解如有疲



玩徵收短絀甚至私自浮收及藉逾限加價添立名目者卽行嚴參

以上同治四年

一江西省前經奏定丁漕減價據江西巡撫劉坤一奏稱近年銀價漸長州縣以錢易銀解支不敷請以向收制錢三千文者改收銀一兩九錢向收制錢三千二百文者改收銀二兩二分以一兩三錢解部以二錢七分提充本省捐款公費餘爲各州縣辦公之用經戶部議覆准其改徵現銀其解支各數均查照奏定章程每徵

米一石另提銀二錢七分在於解部款外餘贖  
丁漕數內供支

一江西徵收丁漕逾限加價據江西巡撫奏稱  
江西完糧各戶率多疲玩非逾限加價催科實  
無把握請將加價數目改爲二三兩限每限各  
加銀三錢加價銀兩全給州縣辦公經戶部議  
令將各屬開徵日期及每居一限已收未收漕  
糧總數專案報部卽准其照章加給其按限加  
價銀兩酌提八成歸公二成給予州縣

一江西巡撫奏稱隨漕徵收各款漕項錢糧與  
腳耗銀兩俱係循例另徵惟腳耗米石係與正  
漕統徵自改折以來除腳耗內坐支銀米仍歸  
州縣支用外其餘漕項腳耗等銀俱係節省報  
解充餉又給丁贈扣米石自同治五年以後凡  
係節省一律報解充餉腳米每石折解銀一兩  
等語經戶部議令仍舊辦理惟漕項腳耗銀米  
及屯田餘租銀兩均係辦運要需應令飭屬認  
真徵收按年報銷現時既可接濟餉需來年卽

可爲起運之費

以上同治七年

一江蘇鎮江府屬丹陽金壇溧陽三縣因被兵災較重民困未蘇且徵冊無存丈量未竣同治七年分應徵錢糧漕米未能按則啟徵經該督等奏請將原熟田畝不分錢米按畝折收錢文除酌提各該縣辦公經費外其餘全數易銀解司以一半採買米石隨同正漕起運赴津交納運費等項悉於此內開銷以一半收入地丁分別正耗撥餉支用同治八年該督奏稱丹陽金

壇溧陽三縣應徵漕糧抵徵錢文因須多籌起  
運請以入成買米二成充餉同治九年該督奏  
稱丹陽金壇二縣應徵漕糧抵徵錢文仍請以  
入成買米二成充餉同治十年該督又以丹陽  
金壇二縣因清糧未竣徵冊未齊所有應徵漕  
糧仍請入成買米二成充餉嗣後同治十一年  
十二年十三年歷經該督奏請援照辦理均奉  
旨允准

同治八十九十一  
二十三年

同治十二年欽奉

上諭前因左都御史胡家玉奏江西省錢糧違例加徵請飭裁革並不得私立捐款公費名目等語當諭令劉坤一嚴飭所屬州縣恪遵定例不准絲毫浮收如查有私立捐款公費名目額外加增卽著嚴行叅辦嗣據劉坤一奏據實直陳丁漕改章實在情形請仍照新章辦理當經允准仍諭令隨時認真稽查儻有絲毫浮收卽行從嚴叅辦茲復據胡家玉奏瀝陳江西省違例加徵各弊請仍飭部覈議等語著戶部按照該左都御史所陳各節及江西省現在情形應如

何辦理始終妥善之處悉心酌覈妥議具奏至所稱  
嚴飭各州縣不得將上司之供應道府之漕規節壽  
諸陋規巧立辦公名目取之於民等語著該撫仍遵  
前旨嚴飭所屬認真革除以維政體而恤民生欽此  
查江西省漕折一項據左都御史胡家玉奏稱  
漕糧每石折收銀一兩九錢較之一兩三錢之  
部章多收六錢請部覈覆等語經戶部議以漕  
折一項與地丁不同地丁正耗銀兩例有明文  
漕折本應徵運本色其改折銀兩係按各省情

形從權酌辦現時折漕省分河南省每石解部銀二兩徵之於民以三兩爲率安徽省每石解部銀一兩三錢徵之於民以二兩二錢爲率均係留其有餘供本省支用卽爲將來辦運地步江西省每石解部銀一兩三錢徵之於民以一兩九錢爲率嚴與河南安徽等省折漕解支章程尙屬一律惟慮及徵銀不便於民自係確有所見現在地丁銀兩旣因銀價增昂議令就原定每兩徵錢二千四百文之外酌加錢數所有



該省漕折亦令該撫查照同治四年原定數目  
於每石收錢三千文及三千二百文之外酌量  
加收錢文毋庸徵收實銀其所加錢文卽視地  
丁每兩加錢二百文之數覈計不准再有浮溢  
俟銀價平減卽照原定錢數折徵至逾限加價  
一節旣據胡家玉奏稱漕價按限加增窮民受  
累且分作三限居限查報繁瑣難行自應變通  
辦理查照江蘇折漕案內逾限加價章程年內  
毋庸加收年外加收錢五百文仍不得稍有浮

多並令該撫仿照江蘇辦法將已徵未徵各數  
於年底截清奏報以憑查覈奏准行知照辦